



An Bhruiséil, 18 Feabhra 2019
(OR. en)

6355/19

Comhad Idirinstitiúideach:
2018/0169(COD)

ENV 137
SAN 79
CONSOM 56
AGRI 81
CODEC 386

NÓTA

ó:	Ardrúnaíocht na Comhairle
chuig:	Coiste na mBuanionadaithe/An Chomhairle
Uimh. an doic. ón gCoim.:	9498/18 + ADD 1 - COM(2018) 337 final + Annex
Ábhar:	Togra le haghaidh Rialachán ó Pharlaimint na hEorpa agus ón gComhairle maidir le híóscheanglais le haghaidh athúsáid uisce - Díospóireacht bheartais

1. Agus an Chomhairle Comhshaoil ar siúl ar an 5 Márta 2019, d'ullmhaigh an tUachtaránacht nóta cúlra ina bhfuil ceisteanna le go bhféadfar an díospóireachta bheartais a threorú.
2. Iarrtar ar Choiste na mBuanionadaithe aird a thabhairt ar na ceisteanna, mar atá san Iarscríbhinn a ghabhann leis an nóta seo, agus iad a chur ar aghaidh chuig an gComhairle.
3. Iarrann an tUachtaránacht ar na toscaireachtaí, freagraí i scríbhinn a chur isteach roimh chruinniú na Comhairle, i gcás inar féidir.

**Togra le haghaidh Rialachán ó Pharlaimint na hEorpa agus ón gComhairle maidir
le híoscheanglais le haghaidh athúsáid uisce
- Díospóireacht bheartais -**

An nóta cúlra ón Uachtaránacht agus na ceisteanna don díospóireacht bheartais

I. RÉAMHRÁ

Glacadh an togra ón gCoimisiún le haghaidh Rialachán ó Pharlaimint na hEorpa agus ón gComhairle maidir le híoscheanglais le haghaidh athúsáid uisce ar an 28 Bealtaine 2018 mar chuid de na gníomhaíochtaí a fógraíodh chun plean gníomhaíochta an gheilleagair chiorclaigh a chomhlíonadh. Sa togra féachtar leis go mbeadh sé go mbeadh sé ina rannchuidiú an ganntanas uisce ar fud an Aontais a mhaolú, i gcomhthéacs oiriúnú don athrú aeráide agus ós rud é gur príomhuirlis í a bhí ar lár roimhe seo le go mbeidh bainistiú comhtháite uisce ann, rud a áirithíonn go ndéanfar acmhainní uisce na hEorpa a bhainistiú ar bhealach níos éifeachtúla.

Is minice gur mó an brú ar acmhainní fíoruisce na hEorpa, agus tá neamhréir ann idir an t-éileamh, atá ag dul i méid i gcónaí, agus an líon teoranta acmhainní uisce ar fud an Aontais ar fad. Ceann de na príomhbhagairtí ar gheilleagar agus bonn éiceolaíoch an Aontais is ea an ganntanas uisce atá ag dul i méid, mar gheall ar ró-astarraingt uisce, a dhéantar chun críche uisciúcháin den chuid is mó, fad agus atá infhaighteacht uisce ar cháilíocht chuí ina choinníoll criticiúil don tsochaí i gcoitinne. Tá tionchar ag an struis uisce cheana féin ar aon trian de chríoch an Aontais ó cheann ceann na bliana agus, faoi na dálaí athraithe aeráide atá á dtuar, is amhlaidh gur in olcas a rachadh cúrsaí. Meastar go leanfaidh an treocht sin ar aghaidh agus go mbeidh tionchar ag an nganntanas uisce ar fhoirmhór na hEorpa le linn an 21ú haois, agus méadú 40-80% ann ó thaobh a dhéine a bheadh na teagmhais easnaimh uisce faoin mbliain 2050.

Agus uisce ó ionaid chóireála fuíolluisce uirbigh a athúsáid, cuirtear rogha mhalartach iontaofa ar an soláthar uisce ar fáil chun críoch éagsúil, uisciú talmhaíochta ina measc, réimse lena mbaineann an fhéidearthacht is mó chun go mbeidh glacadh níos mó athúsáid uisce ann. Ina theannta sin, cuireann cleachtas na hathúsáide uisce fad le saolré an uisce, rud atá ina rannchuidiú chun acmhainní uisce a chaomhnú dá réir, i gcomhréir leis na spriocanna maidir le geilleagar ciorclach. Sa lá atá inniu ann, tá glacadh na gcleachtas maidir le hathúsáid uisce ag titim i bhfad faoin bhféidearthacht iomlán atá aige, agus an-éagsúlacht sna cleachtais ar fud na mBallstát.

Leagtar amach sa togra íoscheanglais cháilíochta chomhchuibhithe chun fuíolluisce uirbeach cóireáilte a athúsáid go sábháilte le haghaidh uisciú talmhaíochta, i gcás ina bhfuil sin ábhartha agus costéifeachtach, fad agus a dhéantar an tsláinte phoiblí agus an comhshaol a choimirciú. Agus íoscheanglais á leagan síos ar fud an Aontais, is éard is aidhm leis an togra cothrom na Féinne a áirithiú do na hoibreoirí, agus do na feirmeoirí chomh maith, a dhéanann uisce athshlánaithe a tháirgeadh agus a sholáthair. Cruthaítear leis deiseanna nua don nuálaíocht theicneolaíoch agus gnó.

Ina theannta sin, cuimsítear an méid seo a leanas sa togra:

- Íoscheanglais chomhchuibhithe faireacháin, is infheidhme ag an bpointe comhlíonta, i.e. ag asraon an ghléasra áit a ndéantar an fuíolluisce le haghaidh athúsáide a chóireáil a thuilleadh (an gléasra athshlánaithe), go háirithe na ceanglais maidir le minicíocht an fhaireacháin le haghaidh gach paraiméadair cáilíochta, agus na ceanglais i dtaobh bhailíochtú an chórais.
- Forálacha bainistíochta riosca, chun na rioscaí breise sláinte agus comhshaoil a d'fhéadfadh a bheith ann a mheas agus aghaidh a thabhairt orthu, a bhaineann leis an limistéar sonrach ina mbeidh an gléasra athshlánaithe ag feidhmiú.
- Nós imeachta um cheadú, ina mbeidh ar oibreoir an ghléasra athshlánaithe cead a fháil ó na húdaráis ábhartha chun fuíolluisce a sholáthar le haghaidh athúsáid shábháilte.
- Forálacha maidir leis an trédhearcacht, ina ndéanfar faisnéis bharrthábhachtach faoi aon tionscadal athúsáide uisce a chur ar fáil don phobal.

II. STAID NA hIMEARTHA

Rinneadh an togra agus an measúnú tionchair ón gCoimisiún a scrúdú ag ceithre chruinniú leathlá den Mheitheal um an gComhshaol go dtí seo. Ar na príomh-shaincheisteanna polaitiúla a d'eascair as an bplé sin tá seo a leanas: i gcás na hionstraime de chuid an Aontais a chuirfear ar fáil do na Ballstáit a sholúbtha a bheadh sí agus a dhéine atá na híoscheanglais chomhchuibhithe le haghaidh cáilíocht uisce athshláinaithe.

Cé go n-aithníonn na toscaireachtaí gur saincheist fhíorthábhachtach nach mór aghaidh a thabhairt air an ganntanas uisce, is iomaí cur chuige éagsúil a bhaineann leis an athúsáid uisce sna Ballstáit. Is cúis imní dóibh siúd a athúsáideann fuíolluisce cheana le haghaidh uisciú talmhaíochta go mbeadh athruithe nach beag ag teastáil ar na córas náisiúnta atá i bhfeidhm mar gheall ar an Rialachán atá beartaithe agus, dá bharr, ba mhaith leo uirlis sholúbtha de chuid an Aontais a bheith ann ina gcuirfí cúinsí éagsúla náisiúnta san áireamh. I gcás dóibh siúd nach mbeidh an ganntanas uisce ina fhadhb sa tír s'acu, agus nach bhfuil sé ar intinn acu athúsáid a bhaint as an bhfuíolluisce le haghaidh uisciú talmhaíochta, go ceann i bhfad, b'fhéarr leo mura dtiocfaidís faoi scáth chur i bhfeidhm an Rialacháin chun an t-ualach riarachán breise a sheachaint (e.g. na hiarratais ar cheadanna a phróiseáil). Ina theannta sin, pléadh cé mar is féidir ardleibhéal sábháilteachta a áirithiú do shláinte an duine agus don chomhshaol i dtaobh táirgí talmhaíochta a uiscítear le huisce athshláinaithe gan costais míréasúnta a fhorchur ar údarais na mBallstát, ar na hoibreoirí agus ar na húsáideoirí agus cuireadh i dtreis a riachtanaí atá sé sainmhíniú soiléir a bheith ann ar na freagrachtaí a bheidh ar na gníomhaithe éagsúla atá rannpháirteach sa phróiseas.

Cheap Parlaimint na hEorpa Simona Bonafè (S&D) ina Rapóirtéir don Choiste um an gComhshaol, um Shláinte Phoiblí agus um Shábháilteacht Bia (ENVI). Ghlac an Coiste um an gComhshaol, um Shláinte Phoiblí agus um Shábháilteacht Bia an tuarascáil ar an 22 Eanáir 2019, agus 68 leasú á moladh aige.

Sa chomhthéacs sin, iarrtar ar na hairí páirt a ghlacadh i ndíospóireacht bheartais maidir leis an togra ag cruinniú na Comhairle (Comhshaol) a bheidh ann ar an 5 Márta 2019. D'ullmhaigh an Uachtaránacht dhá cheist chun an díospóireacht a threorú.

III. CEISTEANNA DO NA hAIRÍ

1. *I bhfianaise an dúshlán roimh an Eoraip atá ag dul i méid ó thaobh an ghanntanais uisce de, cé mar is féidir glacadh rialacha comhchuibhithe an Aontais athúsáid uisce a chur chun cinn agus a bheith ina rannchuidiú chun aistriú go córas ina mbeadh bainistiú níos éifeachtúla uisce, fad agus a fhágtar faoin margadh lena chinntiú an fhéidearthacht is mó atá ann ó thaobh éileamh ar athúsáid uisce de?*
2. *An bhfuil sibh den tuairim go n-éiríonn le híoscheanglais chomhchuibhithe an Aontais atá beartaithe, a bhaineann le cáilíocht an uisce athúsáidte agus faireachán a dhéanamh uirthi sin, in éineacht leis an mbainistíocht riosca agus na nósanna imeachta um cheadú ar an leibhéal áitiúil an méid seo a leanas a áirithiú - an chothromaíocht cheart a aimsiú idir leibhéal ard a bhaint amach i dtaobh shláinte an duine agus cosaint comhshaoil agus saorchúrsaíocht táirgí talmhaíochta a uiscítear le huisce athshlánaithe laistigh den Mhargadh Inmheánach?*